

Երևանի Պետական Համալսարանի

Mini MBA ծրագիր

Ծրագրի նկարագրություն

Երևանի Պետական Համալսարանն առաջարկում է նոր **Mini MBA ծրագիր**, որը նախատեսված է ոչ բիզնես մասնագիտություններով ուսանողների, ասպիրանտների և շրջանավարտների համար: Ծրագիրը նպատակ ունի տրամադրել բիզնեսի հիմնարար գիտելիքներ՝ մասնակիցներին տրամադրելով առաջնորդության, ռազմավարական մտածողության և ներկայացման հմտություններ, որոնք անհրաժեշտ են ժամանակակից տեխնոլոգիական և նորարարական միջավայրերում հաջողության հասնելու համար:

Ծրագրի նպատակը

- Մասնակիցներին ծանոթացնել բիզնեսի և կառավարման հիմնարար սկզբունքներին:
- Զարգացնել ռազմավարական մտածողություն և առաջնորդության հմտություններ՝ տեխնոլոգիական ծրագրերի և թիմերի արդյունավետ կառավարման համար:
- Մասնակիցներին սովորեցնել ներկայացնել իրենց բիզնես գաղափարները, վստահ և հստակ հաղորդակցման սկզբունքները:
- Ծանոթացնել մասնակիցներին էթիկայի և կայունության վրա հիմնված պատասխանատու և ներառական բիզնես միջավայրի գործունեության սկզբունքներին:

Ծրագրի կառուցվածքը

Ծրագիրը ներառում է բիզնեսի հետևյալ հիմնական ուղղությունները.

N	Դասընթացի անվանում
1	Ձեռնարկատիրական կառավարում
2	Ռազմավարական պլանավորում
3	Տեխնոլոգիական ձեռներեցություն
4	Քանակական վերլուծությունները բիզնեսում
5	Ֆինանսներ
6	Հաշվապահություն
7	Մարքեթինգ
8	Առաջնորդություն և թիմային աշխատանք
9	Գաղափարների ներկայացման հմտություններ
10	Մասնակիցների հետ անհատական աշխատանք (Mentorship)
	Ընդամենը

Ծրագրի վերջնարդյունքները

Ծրագրի ավարտին մասնակիցները կկարողանան՝

1. Կառավարել բիզնես գործընթացները՝ հիմք ընդունելով ֆինանսական, հաշվապահական և գործառնությունների կառավարման սկզբունքները:
2. Հանդես գալ որպես առաջնորդներ բարձր տեխնոլոգիաների ոլորտում կիրառելով կազմակերպչական վարքագծի և թիմային աշխատանքի հմտություններ:
3. Ներկայացնել և պաշտպանել գաղափարներ՝ օգտագործելով պրոֆեսիոնալ ներկայացման և փիթչինգի (pitching) տեխնիկաներ:
4. Մշակել ռազմավարական պլաններ՝ հիմնված տվյալների վերլուծության և շուկայական հետազոտությունների վրա:
5. Գործարկել և ղեկավարել ձեռնարկատիրական նախագծեր՝ կիրառելով կառավարման լավագույն փորձը:
6. Կայացնել հիմնավորված որոշումներ՝ կիրառելով տնտեսական վերլուծություն և քանակական գնահատման մեթոդներ:
7. Իրականացնել բարեխիղճ և կայուն կառավարման սկզբունքները՝ էթիկայի և սոցիալական պատասխանատվության շրջանակներում:

Ծրագրի առավելությունները

- Բիզնեսի և կառավարման սկզբունքների համապարփակ գիտելիքների ձեռքբերում:
- Ռազմավարական մտածողության և առաջնորդության հմտությունների զարգացում:
- Գաղափարների ներկայացման արվեստի վարպետացում:
- Հաղորդակցման ցանցի ստեղծում, դասախոսների և ոլորտի մասնագետների հետ:

Ծրագրի տևողությունը

Ծրագիրը կտևի 5 շաբաթ:

Եզրակացություն

ԵՊՀ Mini MBA ծրագրին կարող են [դիմել](#) բոլոր դասախոսները, ուսանողները, ասպիրանտները և հետազոտողները, այն մասնակիցներին հնարավորություն կտա ստանալ նոր գիտելիքներ և հմտություններ, որոնք անհրաժեշտ են բիզնեսում և տեխնոլոգիական կառավարման մեջ հաջողության հասնելու համար: Լավագույն մասնակիցները կստանան **սերտիֆիկատներ, ֆինանսական աջակցություն և փորձագիտական մենթորություն**՝ ոչ թե պարզապես ֆինանսավորում, այլ իրական հարթակ՝ գաղափարը շուկա տանելու համար: